

"মিষ্টি বাচ্চারা - তোমাদের বাবার মতো রূপ বসন্ত হতে হবে, জ্ঞান যোগ ধারণ করে তারপর অন্যের যোগ্যতা দেখে তাকে দান করতে হবে।

প্রশ্ন :- কোন্ প্রথা দ্বাপর যুগ থেকে চলে আসছে কিন্তু এই সঙ্গমে বাবা সেই প্রথা বন্ধ করে দেন?

উত্তর :- দ্বাপর যুগ থেকে পায়ে পড়ার প্রথা চলে আসছে। বাবা বলেন, এখানে তোমাদের কারোর পায়ে পড়ার দরকার নেই। আমি তো অভোক্তা, অকর্তা আর অসোচতা (চিন্তন মুক্ত)। তোমরা বাচ্চারা হলে বাবার থেকেও বড়, কেননা বাচ্চারা বাবার সমস্ত সম্পত্তির মালিক হয়। তাই সেই মালিকদের আমি বাবা নমস্কার জানাচ্ছি। তোমাদের কারোর পায়ে পড়ার প্রয়োজন নেই। তবে হ্যাঁ, ছোটোদের বড়দের সম্মান তো রক্ষা করতেই হবে।

গীত :- যারা প্রিয়তমের সাথে আছে.....

ওম শান্তি। বর্ষা তো প্রতি বছরই হয়। সে হল জলের বর্ষণ - যা কল্প - কল্প হয়ে আসছে। এ হলো পতিত দুনিয়া, নরক। এই দুনিয়াকে বিষয় সাগরও বলা হয়, যেই বিষ বা কাম অগ্নির দ্বারা এই ভারত কালো হয়ে গেছে। বাবা বলেন আমি হলাম জ্ঞানের সাগর, জ্ঞানের বর্ষার দ্বারা আবারও গোরা বানাই। এই রাবণ রাজ্যে সবাই কালো হয়ে গেছে, আমি আবার সবাইকে পবিত্র বানিয়ে দিই। মূলবতনে কোনো পতিত আত্মা থাকে না। সত্যযুগেও কোনো পতিতই থাকে না। তখন সমস্ত দুনিয়াই পবিত্র। সেখানে পতিত মানুষের নামগন্ধ থাকে না, এই কারণেই বিষ্ণুকে ক্ষীর সাগরে দেখানো হয়। এর অর্থও মানুষ জানে না। তোমরা জানো যে বিষ্ণুর দুই রূপ হলো লক্ষ্মী - নারায়ণ। বলা হয় সেখানে ঘিয়ের নদী বইবে, তাহলে অবশ্যই ক্ষীর সাগর চাই। মানুষ তো বিষ্ণু ভগবান বলে দেয়। তোমরা বিষ্ণুকে ভগবান বলতে পারো না। তোমরা বিষ্ণু দেবতায় নমঃ, ব্রহ্মা দেবতায় নমঃ বলে থাকো। বিষ্ণুকে ভগবান নমঃ বলবেই না। শিব পরমাত্মায় নমঃ শোভা পায়। এখন তোমরা জ্ঞানের আলো পেয়েছো। উঁচুর থেকে উঁচু গ্রী গ্রী ১০৮ রুদ্র মালা বলা হয়। ওপরে থাকে ফুল, তারপর মেরু দানা যুগল বলা হয় লক্ষ্মী - নারায়ণকে। ব্রহ্মা - সরস্বতীকে যুগল বলা হয় না, এই মালা তো শুদ্ধ, তাই না। মেরু লক্ষ্মী - নারায়ণকে বলা হয়। প্রবৃত্তি মার্গ তাই। বিষ্ণু অর্থাৎ লক্ষ্মী - নারায়ণের সাম্রাজ্য। কেবল লক্ষ্মী - নারায়ণ বলা হয়, কিন্তু তাঁদেরও তো সন্তান থাকবে, তাই না, এ খবর কেউই জানে না। এখন তোমরা বাচ্চারা বিষয় সাগর থেকে বেরিয়ে এসেছো, এই বিষয় সাগরকে কালীদহ বলা হয়। সত্যযুগে তো এইসব কিছুই থাকে না। সাপের ওপর কৃষ্ণের নাচ, এ সবই চর্চিত কথা। অন্ধবিশ্বাসে পুতুল পূজো করে এসেছে। অনেক দেব - দেবীর মূর্তি তৈরী করে। লাথ - কোটি টাকা খরচ করে এই দেবীদের সাজায়। কেউ কেউ তো সত্যিকারের সোনার গয়নাও পরায় কেননা ব্রাহ্মণীদের দান করতে হয়। ব্রাহ্মণ যারা পূজো করায়, অনেক খরচা করায়, ধুমধামের সঙ্গে দেবীদের ঝাঁকি বের করে। দেব দেবীর মূর্তি তৈরী করে তাকে পালনা করে, তাঁর সাজসজ্জা করিয়ে তারপর তাঁকে ডুবিয়ে দেওয়া হয়। একে বলা হয় পুতুল পূজো। তোমরা ভাষণ দিয়ে বোঝাতে পারো এ কেমন অন্ধশ্রদ্ধার পূজো। খুব সুন্দর গণেশের মূর্তি তৈরী করা হয়। এখন কোনো মানুষের তো অমন শূঁড় থাকে না। কত ছবি বানায়, পয়সাও কত খরচ করে।

বাবা বাচ্চাদের বোঝান - তোমাদের আমি কত বড় সাহকার(বিতশালী), এই বিশ্বের মালিক বানাই । এইকথা আত্মাদের পরমাত্মা বসে বোঝান । তিনি এও জানেন - যারা আগের কল্পে এই পড়া পড়েছিলো আর বাবার শ্রীমতে চলেছিলো, তারাই চলবে । যদি না পড় আর ঘুরে বেড়াও তাহলেই খারাপ হয়ে যাবে । দাস - দাসীর মতো খারাপ পদ পাবে । এখন তোমাদের বাচ্চাদের অবিনাশী জ্ঞান রত্নের দ্বারা আমি কত বড় সাহকার বানাচ্ছি । দুনিয়ার এই মানুষরা তো শিব আর শঙ্করের অর্থই জানে না । শঙ্করের সামনে গিয়ে বলে আমার ঝুলি পূরণ করে দাও কিন্তু শঙ্কর তো ঝুলি পূরণ করেন না । এখন বাচ্চাদের বাবা অবিনাশী জ্ঞান রত্ন দেন । তাই তোমাদের ধারণ করতে হবে । বাবাও বোঝান যে দানও যোগ্যতা দেখেই করো । যার শোনার মনই নেই তার পিছনে অযথা সময় নষ্ট করো না । শিবের পূজারীই হোক বা দেবতাদের এমন মানুষদের চেষ্টা করে দান দিতে হবে । যাতে তোমাদের সময় নষ্ট না হয় । তোমাদের প্রত্যেককে রূপ বসন্ত হতে হবে । বাবা যেমন রূপ বসন্ত । তাঁর রূপ জ্যোতির্লিঙ্গম নয়, তারার মতো । পরমপিতা পরমাত্মা পরমধামে থাকেন । পরমধাম দূর থেকে অনেক দূর । আত্মাদের তো পরমাত্মা বলা হবে না । তিনি হলেন পরম আত্মা । এখানে যে দুঃখী আত্মারা থাকে, তারাই পরমপিতাকে ডাকে । তাঁকে সুপ্রীম আত্মা বলা হয় । তিনি বিন্দুর মতো । এমন নয় যে তাঁর কোনো নাম বা রূপ নেই । তিনি জ্ঞানের সাগর, পতিত - পাবন । দুনিয়া তো তা জানে না । তাদের জিজ্ঞাসা করো, পরমপিতা পরমাত্মা কোথায় থাকেন ? মানুষ বলবে তিনি সর্বব্যাপী । আরে, তোমরা তাঁকে যদি পতিত - পাবন বলা, তাহলে পবিত্র কিভাবে বানাবেন ? মানুষ কিছুই বোঝে না তাই একে অন্ধ রাজধানী বলা হয় । তোমাদের তো বাবা এই সমস্ত বিষয় থেকে মুক্তি দিয়েছেন । বাবা হলেন অভোক্তা, অকর্তা এবং অসোচতা । কখনোই তিনি পায়ে পড়তে দেন না । কিন্তু দ্বাপর যুগ থেকে এই প্রথা চলে আসছে । ছোটোরা বড়দের সম্মান রক্ষা করে । বাস্তবে বাচ্চারাই বাবার সম্পত্তির উত্তরাধিকারী হয় । বাবা বলেন - এরা হলো আমার সম্পত্তির মালিক । তিনি সেই মালিকদের নমস্কার করেন । যদিও বাবাই মালিক তবুও প্রকৃত মালিক তো বাচ্চারাই এই সমস্ত সম্পত্তির । তাই তিনি তোমাদের খোড়াই বলবেন, পায়ে পড়, এই করো - ওই করো । না, তা বলবেন না । বাচ্চারা যদি তাঁর সাথে মিলিত হতে যায়, তাও বাবা বলেন, শিববাবাকেই স্মরণ করেই তোমরা মিলিত হতে যাও । আত্মা বলে আমি শিববাবার দত্তক সন্তান । মানুষ এই বিষয়ে দ্বিধাগ্রস্ত হয়ে পড়ে । শিববাবা এই ব্রহ্মার মাধ্যমে বাচ্চাদের দত্তক নেন । তাহলে ইনি মা হলেন । তোমরা জানো যে আমরা মা - বাবার সঙ্গে দেখা করতে এসেছি । স্মরণ কিন্তু শিববাবাকেই করতে হবে । তাহলে ইনি হলেন সর্বপ্রথম মা । আশীর্বাদী বর্ষা তোমরা শিববাবার থেকে পেয়ে থাকো । এই ব্রহ্মাবাবাও তাঁরই স্মরণে থাকেন । বাবা যা বোঝান তাই ধারণ করতে হবে । তোমাদের রূপ বসন্ত হতে হবে । তোমরা যোগে থাকবে, জ্ঞান ধারণ করবে আর করাবে, তাহলেই আমার মতো রূপ বসন্ত হতে পারবে । তারপর আমার সাথেই চলে যাবে । এখন তোমাদের বুদ্ধিতে জ্ঞান আছে, যখন তোমরা স্বর্গে আসবে তখন তোমাদের এই জ্ঞান সম্পূর্ণ হয়ে যাবে । তখন তোমাদের প্রালব্ধ শুরু হয়ে যাবে । তখন এই জ্ঞানের পার্ট সম্পূর্ণ হয়ে যাবে । এ হলো খুবই গুপ্ত কথা, কেউ খুব মুশকিলের সঙ্গেই বুঝতে পারে । বৃদ্ধা মানুষদেরও বাবা বুঝিয়ে বলেন, তোমরা একজনকেই স্মরণ করো । দ্বিতীয় আর কেউই নয় । তাহলেই বাবার কাছে গিয়ে তোমরা কৃষ্ণপুরীতে চলে যাবে । এ হলো কংসপুরী ।

এমন নয় যে কৃষ্ণপুরীতে কংসও ছিল, এ সবই গল্পকথা। কৃষ্ণের মায়ের আট সন্তান দেখানো হয়। এ তো গ্লানি হয়ে গেলো। কৃষ্ণকে ঝুড়ি করে যমুনা পার করা হয়েছিলো। তারপর যমুনা নীচে চলে গিয়েছিলো। ওখানে তো এসব কিছুই হয়ই না। এখন তোমরা বাচ্চারা জ্ঞানের আলো পেয়েছো। বাবা বলেন, আগে যা কিছু শুনেছো, সব ভুলে যাও। বাবা আরো বলেন এই যজ্ঞ, তপস্যা ইত্যাদি করলেই কেউ আমাকে পেতে পারে না। আত্মা তমোপ্রধান হলে তার ডানা ভেঙ্গে যায়। এখন এই সম্পূর্ণ দুনিয়ায় আগুন লাগবে। হোলির আগুনে মিষ্টি চাপাটি তৈরী করা হয়। এ হলো আত্মা আর শরীরের কথা। সকলেরই শরীর পুড়ে যায়, আত্মা অমর হয়ে যায়। এখন তোমরা বাচ্চারা বুঝতে পারো, সত্যযুগে এতো মানুষ এতো ধর্ম থাকবে না। সেখানে এক আদি সনাতন দেবী দেবতা ধর্ম থাকবে। ভারতই সবথেকে বড় তীর্থস্থান। শেষবয়সে অনেকেই গিয়ে কাশীতে থাকে ভাবে এখন আমরা কাশীবাস করবো। যেখানে শিব আছে, সেখানেই আমরা শরীর ত্যাগ করবো। অনেক সাধু সন্ন্যাসী সেখানে গিয়ে বাস করে। সারাদিন তারা এই গান গায় - জয় বিশ্বনাথ গঙ্গা। এখন শিবের মাথা থেকে তো আর গঙ্গা বের হবে না। তারা শিবের দ্বারে মৃত্যু পছন্দ করে। এখন তোমরা প্রত্যক্ষভাবে দ্বারে দাঁড়িয়ে আছে। যেখানেই থাকো, কিন্তু শিববাবাকে স্মরণ করতে থাকো। তোমরা জানো, শিববাবা আমাদের বাবা, আমরা তাঁকে স্মরণ করতে করতে তাঁর কাছে চলে যাবো। তাই শিববাবার জন্য এই ভালোবাসা তো থাকা চাই, তাই না? তাঁর কোনো বাবাও নেই, শিক্ষকও নেই, আর সকলেরই তা আছে। ব্রহ্মা, বিষ্ণু, শঙ্করের রচয়িতাও তো এই বাবা, তাই না। রচনার থেকে রচনা আশীর্বাদী বর্ষা পেতে পারে না তা যে কেউই হোক না কেন। এই আশীর্বাদী বর্ষা বাচ্চারা বাবার থেকেই পেয়ে থাকে। তোমরা বাচ্চারা জানো আমরা জ্ঞানের সাগর বাবার কাছে এসেছি। বাবা এখন জ্ঞানের বর্ষণ করছেন। তোমরা এখন পবিত্র হতে চলেছো। বাকি সবাই নিজের নিজের হিসেব নিকেশ শোধ করে নিজের ধামে চলে যাবে। মূলবতনে আত্মাদের ঝাড় আছে। এখানেও সাকারী ঝাড় আছে। ওখানে আছে রুদ্রের মালা আর এখানে আছে বিষ্ণুর মালা। এরপর ছোটো ছোটো গোষ্ঠী বেরিয়ে আসে। এই ছোটো ছোটো গোষ্ঠী বাড়তে বাড়তে ঝাড় বড় হয়ে যায়। এখন আবার সবাইকে ঘরে ফিরে যেতে হবে। তারপর তোমাদের দেবী দেবতা রাজত্ব রাজ্য করতে হবে। এখন তোমরা মানুষ থেকে দেবতা, বিশ্বের মালিক হতে চলেছো, তাই তোমাদের খুব খুশী থাকা চাই যে ভগবান আমাদের পড়াচ্ছেন। রাজযোগ আর জ্ঞানের দ্বারা তিনি রাজার রাজা করে দেন। তিনি নর থেকে নারায়ণ আর নারী থেকে লক্ষ্মীতে পরিণত করেন। সূর্যবংশী তারপর চন্দ্রবংশীতেও আসবে। বাবা রোজ বোঝান আর জ্ঞানের কিরণ দিতে থাকেন।

তোমরা মেঘেরা সাগরের কাছে আসো পূরণ হওয়ার জন্য। ভরপুর হয়ে আবার তোমাদেরই গিয়ে বর্ষণ করতে হবে। ভরপুর না হলে রাজপদ পাবে না, প্রজাতে চলে যাবে। চেষ্টা করে যতটা সম্ভব বাবাকে স্মরণ করতে হবে। এখানে তো একে তাকে সকলেই স্মরণ করতে থাকে, অনেক নাম আছে। বাবা এসে বলেন বন্দে মাতরম্। শাস্ত্রে দেখানো হয়েছে দ্রৌপদীর পদসেবা করা হচ্ছে। বাবার কাছে বৃদ্ধারা এলে বাবা তাদের বলতেন, বাচ্চারা, তোমরা কি পরিশ্রান্ত হয়েছো? এখন অল্প কিছুদিন বাকি আছে। তোমরা ঘরে বসেই শিববাবা আর তাঁর আশীর্বাদী বর্ষাকে স্মরণ করো। যত স্মরণ করতে পারবে তত বিকর্মজিত হতে পারবে। অন্যদের নিজের মতো তৈরী করতে না পারলে কি করে প্রজা তৈরী করবে। অনেক পরিশ্রম করতে হবে। এই জ্ঞান ধারণ করে অন্যদেরও নিজের মতো বানাতে হবে। আচ্ছা।

মিষ্টি - মিষ্টি হারানিধি বাচ্চাদের প্রতি মাতা - পিতা, বাপ - দাদার স্মরণ, ভালোবাসা এবং সুপ্রভাত । রুহানী বাবার রুহানী বাচ্চাদের নমস্কার ।

ধারণার জন্য মুখ্য সার :-

১) , প্রতি বিষয়ে নিজের সময়কে সফল করতে হবে । দানও পাত্র দেখেই করতে হবে । যারা শুনতে চায় না তাদের পিছনে সময় নষ্ট করো না । বাবার আর দেবতাদের ভক্তদের জ্ঞানের দান দিতে হবে ।

২) অবিনাশী জ্ঞান রত্ন ধারণ করে সাহকার হতে হবে । এই ঈশ্বরীয় পড়া অবশ্যই পড়তে হবে । এক একটি রত্ন লাখ টাকার তাই একে নিজে ধারণ করা আর অন্যকে ধারণ করাতে হবে ।

বরদান :- প্রতিটা কথার দ্বারা জমার খাতা বাড়িয়ে আত্মিক ভাব আর শুভ ভাবনা সম্পন্ন হও ।

এই বাণীর দ্বারাই ভাব আর ভাবনা দুইয়েরই অনুভব হয় । যদি প্রতিটা কথায় শুভ বা শ্রেষ্ঠ ভাবনা, আত্মিক ভাব থাকে, তাহলে সেই কথায় জমার খাতা বাড়তে থাকে । যদি তোমাদের কথায় ঈর্ষা, অপছন্দ বা ঘৃণার ভাবনা যে কোনো পার্সেন্টে থাকে, তাহলে তোমাদের সেই কথার দ্বারা তোমাদের খরচের খাতা বেশী হতে থাকবে । সমর্থ বচনের অর্থ - যেই বাণীতে প্রাপ্তির ভাব বা সার থাকবে । যদি বাণীতে কোনো সার না থাকে তাহলে বাণী ব্যর্থের খাতায় চলে যায় ।

স্লোগান :- সমস্ত কারণের নিবারণ করে সদা সন্তুষ্ট থেকে সন্তুষ্টমণি হতে হবে ।